


林丁雅音集


30

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 10 1930

9100.41 10

LIBRARY OF THE
HARVARD-YENCHING INSTITUTE
AT HARVARD UNIVERSITY
AUG 10 1930





自然好學齋詩鈔卷八

錢塘汪端允莊著

如皋冒俊碧纒校栞

古今體詩

玉帶還山詩

帶爲明楊文襄公一清故物昔施於焦山者久失

去菑林方伯得之潤州都天寺仍歸山中勝以圖

記徧徵和詩并付藏弄焉

坡公解帶珍名蹟晉公還帶傳名德山留帶鎮說文襄帶

以圖傳重方伯君不見前明湘水文襄公躋身通顯由奇

童邊功畧同李衛國相業不讓姚元宗姚崇初緩帶輕裘

古良將錦袍玉帶天人樣閒居再起平寘錡指顧擒渠氣

何壯當時宏恭石顯權縱橫談笑能使內患平以奄攻奄

信奇策紛紛苛論皆書生公籍巴陵寓京口蒼翠焦山落

杯酒看山留帶是何年或在功成散髮林泉後山深寺古

四百年帶乎幾作銀杯羽化隨飛煙枯木堂雲曉吞吐水

精庵月宵嬋娟安定名家燕許筆露冕餘閒訪林樾搜奇

重返楚人弓傳世應同魏公笏伯鸞祠建皋橋邊滄浪水

上新吟傳公重建梁伯鸞祠于吳門愛才懷古動遐慕不

徒文采追前賢文襄功業非草草永陵首輔如君少楚中

三傑持論公明睿宗嘗言楚有三傑謂遺帶猶存洵堪寶

海門日湧驚濤來新圖雪壁秋雲開雌黃藝苑盡無謂思

賢留蹟誰似公襟懷

題循陔園圖

勝地雲林清閼閣新圖摩詰輞川莊欲湖垂釣秋漪淨退
谷支筇晚翠涼猿踏松花飄畫檻鳥銜楓子墮琴牀白華
詠罷循陔遠好奉潘輿進玉觴

讀婁東陸佩蘭夫人赤城吟稿題後

水上簾櫳竹外樓簫鸞彤管艷雙修銀鐙髻影箋爭擘石
鼎茶聲句共搜湖嶼詠花偏善感海山詠玉亦工愁

翁大人種修西湖三女士詩婁江詩派桴亭遠林下清風

第一流

書柬吳香輪姊卽題曉仙樓詩集後

松聲黛色近華陽寫韻辰樓翰墨香秋水芙蓉師越女春

風蛺蝶譜滕王姊精劍術寫最工寄衣遠塞攻砧急負土空山

翠袖涼姊適顧羽仙大令嘗從軍西域姊獨絕似蘭陵有

唐素生花雙管膳高堂姊兩尊人年屆八旬諸弟幼弱乃

孝女素相類云

玉姜琴響夢中聞落雁峯高翠拂裙唐代溫泉妃子粉秦

時明月美人雲姊曾客秦中編採倚來修竹應懷我看到

梅花似見君他日鈿車尋舊跡詩題官紙妙香薰大合試

姊將攜宦

題漢江歸棹圖

一葉輕帆傲白鷗葦鱸歸思在扁舟浪花作雪君山晚蘭

氣如煙鄂渚秋寓隱青鸞曾有閣翁大人嘗署百漢仙人

黃鶴舊名樓杏林春雨江南好書得瀟湘憶昔游

林秋孃詞

秋孃吳人明艷善歌兼耽翰墨年十五爲巨室侍
姬旣而遭妬被遣偕母北行嘗於岔河驛壁題數
詩自敘酸辛婉麗頗爲文士鈔傳有爲繪悲秋圖
者因題四絕

金谷歌殘舞袖涼鷓鴣療妬歎無方羨他冷雨幽牕女死
傍梅花骨亦香

當筵曾記聽新詞

余曾聞絳樹雙聲酒一卮太息護花鈴

未繫可憐吹作道旁枝

風沙憔悴慘雲鬢澹墨如烟不忍看絕似會稽題壁詠銀

紅衫子怯秋寒

水流花謝總堪悲
絃上商聲紙上詩
秋土春人原共感
傷心豈獨謝芳姿

庚寅春仲自吳返棹舟中書所見

東風無力布帆斜
春水初生浸晚霞
鶯胆湖邊逢燕子
鴨瀟亭外見桃花
波窺明鏡漁娃艇
樹作危橋浣女家
此去故鄉山色好
兩隄新柳未藏鴉

重至西湖作

重來西子應相笑
一別湖山十二年
花舫笙歌春岸轉
翠微雲樹晚鐘圓
長橋玉帶魚吹雪
深港金沙鳥掠烟
鬢點吳霜人事改
采蕪愁泛鏡中天

筍輿探徧萬芙蓉金碧樓臺翠靄濃
細雨六橋鶯轉柳閒雲九里鶴歸松
寒泉靜聽風篁嶺清梵遙傳月桂峯
卻羨女真塵境遠羽衣采藥自扶筇

泛舟三潭作

花壓紅闌照水妍三潭涼浸玉壺圓
羅裙盪漿湖邊女爭采蕪絲破碧烟

月夜應攜笛一枝空明萬頃最宜詩
桃花春水游鯨樂不用紅衣畫釣師

三潭爲放生處

飛來峯

靈鷲不飛去蒼猿呼可來經聲出松檜
佛面冷莓苔翠黛半空落青蓮絕頂開
理公遺跡在明月照香臺

冷泉亭

此地無三伏寒泉清到心四時巖際雪一曲樹邊琴洗鉢
山僧飯烹茶野客吟孤亭閒坐久林靜白雲深

西冷道中見杏花

蘇小墳前路春深見杏花玉樓聽細雨銀燭照明霞水曲
嘶金勒墻低拂鈿車誰家酒鑪畔紅壓翠帘斜

題秋聲館圖

徐穉新書舍盧鴻舊草堂高梧與疎竹併作北窗涼山果
落幽徑水花明野塘題詩記樊榭讀賦憶歐陽

寒閨病起圖爲湯德媛女士作

小味
繼配
姪

難憑銀液鎮惺忪月落斜廊聽曉鐘殘雪闌干燈影澹疎

梅庭院藥烟濃香温強劃鑪邊字粉褪愁看鏡裏容
底須煩奉倩擁書虛幌對眉峯

劉家三妹句清新女上及從姊佩芬小谷並工詩織素吟紅謝俗塵序仿

玉臺韓博士書臨芳樹衛夫人自憐明月前生影豈作曇
花小現因駐景神方應細檢玉梅三九漸回春

望湖樓

不見跳珠雨來看潑墨山是陰全湖開玉鏡列岫沐煙鬟
菱唱穿雲去漁舟狎浪還登臨擬銷夏新月藕花灣

湖上雙塔

明聞子將嘗言雷峯如老衲寶石如美人語殊奇
後戲爲廣之寶石以山得名作保叔保俶寶所皆

誤

雷峯如老衲頽影臥微瀾裏
蘇衣誰製棲煙骨自寒
留將明月古挂得夕陽殘
寶石遙相望風鬟隱翠巒

玉壺園是宋卿王劉光世別業在錢塘外

蕉雨蘋風一味涼
玉壺園近白蓮堂
意真留取簪花格翠

冷柯山粉暈香光世有侍兒意真善書嘗代其主題名于柯山仰高亭見清波雜誌

差勝樓霞鐵鑄頑謂張俊和王謂楊存中功業比肩看中興縱畫

凌烟閣可媿英名並岳韓

題孫花海惜花春起早圖

柳榭水光明竹樓山翠活
乳鶯啼曉烟孤蝶舞殘月猶酣
海棠夢亂落酴醾雪幽人為花起
花媽怯朝日轆轤汲井

涼鈴索護風密對花如良友花發難爲別藉草碧芊緜循
欄紅曲折花癡張籍伍花錫羅虬埒圖傳鶴渚生奚處翰
墨擅三絕花海可移家曷不寫林樾霜禽暝未歸翠羽哢
初歇晴雪繫漁舟香浮影明滅

書汪少海大令心知堂詩集後卽題出棧圖

山川雄秀青蓮出杜老篇章入蜀奇杖策雲封通鳥道解
鞍月冷挂猿枝吾宗宿學窺中祕仙吏才名替左司管領
西冷一湖水餐霞飲淥更裁詩

題松壺先生畫梅

高人舊說林君復畫苑今推楊補之雪霽曉鴉啼竹牖月
殘凍雀啄苔枝胸中邱壑含毫候眼底烟雲拂素時從古

錢塘傳五絕龍泓身丁敬鶴渚奚鐵總堪師

題空房對月圖

長簾空牀易感秋素波涼浸舊粧樓可憐地下看明月應似人閒一樣愁

題吳仙芝夫人寫韻樓詩後即題羅浮舊夢圖

文君井畔鵲啼雨湘女祠前雁寫秋翠管丁年傳小集賦

曾從親宦繡襦甲帳羨雙修彈琴無復春風影賭奕還思

夜月樓夫人善太息人同花命薄不須殘夢到羅浮夫人

嘗寫玩梅圖照白題云他時香夢羅浮圖好與招魂向畫圖亦詩謔也

紫陽庵感王守素事

元丁野鶴妻也野鶴既寂守素亦束髮為女冠途

中拾小樹栽之曰我成道汝成林後二十年樹成
林守素化去卽山前成道樹也薩天錫詠守素詩
有獨坐蒼苔補道衣之句

令威揮手謝塵寰毛女華芝鍊玉顏成道樹深山翠靜補
衣石冷月華閒空傳寫韻瑤臺侶誰證吹簫紫府班我亦
結茅思小隱夢中黃鶴幾時還

登吳山大觀臺望江作

行盡松杉躡翠螺層臺極望自捫蘿錢江湧雪連天遠越
岫排青隔岸多樓閣參差煙外見帆檣明滅雨中過白蘋
誰薦靈胥廟夜月神弦小海歌

燈窗梧竹圖詩

大興翁覃谿學士論詩一律有云多少燈窗梧竹
響欲憑舊雨為傳神
菑林方伯嘗受詩法於蘇齋
爰繪為圖而以學士詩裝列册首蓋嘉慶丙子官
京曹時事也

武夷九曲烟雲秀方伯詩老谿南冀北雄
玉局名齊歐永叔
香山句賞顧逋翁
秋聲入夢風驚竹
涼影橫窗月浸桐
省識新圖懷舊意
讀書燈穗澹搖紅

蓮花博士吳蘭蘭陵老劉芙同向蘇齋奉瓣香
閩派元音

推膳部謂林詞壇耆宿重漁洋
杜蘅南楚烟波渚方伯曾

州桃李東吳翰墨場
公自題詩有麟閣高梧修竹在滄浪

方伯重修滄浪亭

題荳林方伯仿禹鴻臚卜居圖

秋雪蘆花第幾灣
莫釐縹緲好烟鬟
一船書畫攜家去
知在松陵笠澤間

畫中寒翠遠蒼茫
未讓鴻臚獨壇場
分得洞庭青一角
阮

翁端合號漁洋漁洋亭愛其幽勝因以自號

船移架壑動春雲
仙樂虹橋月夜聞
豈有故山猿鶴怨
前生原是武夷君

罨畫溪頭坡老宅
香爐峯下白公池香山有香爐峯開池諱慰將

霖雨蒼生望漁具
天隨好賦詩

又題小山叢桂圖

衙齋秋早記題襟
仙桂香濃翠壁陰
大雅扶輪名士頌
小

自然如學齋詩錄卷六 八
山招隱古人心滿庭華月飄金粟一曲清商動玉琴吟到
瓊樓寒似水子瞻忠愛此中深

葉瓊章自寫雙美圖

翠鞵紅媽態各柔叢殘絹素美人愁晚花庭院憑肩語知
是寒簧姊妹儔

波冷櫻湖白蝶灰玉臺歸去住瑤臺疏香小閣蛾眉月猶
記紅于婢名捧硯來

落花風是返生香自古仙才命不長何必西堂傳樂府窈
聞靈蹟繼曇陽

書顧劍峯寸心樓詩集後

未礙隨園奉主盟晚花寒竹韻孤清琵琶亭古尋秋去鸚

鴻洲遙載酒行謝客襟懷寄山水杜陵姓氏動公卿可憐
身後文章賤賸有青裙泣月明

贈胡雲雙夫人

吳中詩人顧
劍峯次室

鏡鸞弔影淚縱橫嬌女牽衣玉雪清壓綫寒閨花自落補
蘿幽谷月空明遺孤誰恤張承吉見陸魯良友今無范巨
卿頭白慈烏還繞樹輕帆且指漢陽城將省親

讀嘉定侯記原

元訪

雲都紀會書後

垂老遺民隱柘園全家白骨慘啼猿

記原皆死伯及二可憐

賸水殘山感不及南冠夏玉樊

只有霓裳聽大羅斷無月地引笙歌幽婚弄玉沈亞周秦

記從古文人口孽多

庚寅新秋卽事

絡緯聲中雨乍收已看新雁過南樓
欄飄冷碧梧桐老渚墜疏紅茵
舊秋修到神仙還有劫性耽文字
便工愁清才絕代誰知已太息青門
此故侯時校閱邵夢餘先生遺詩將為付梓

書鏡西閣集後

香山偏賞徐凝句元相還嗤李白詩
月冷鏡湖才鬼泣可憐得失寸心知
先生存日嘗以詩謁隨園鑒別無當遂不復示人故時罕知之

宰官夢短黃紬被上帝春開白玉樓
若論詩壇誰接席近惟樊榭遠青邱

東閣追陪憶昔時韓門李漢誼堪師
書來應灑西州淚秋

雨巴山聽竹枝

繡山身氏于先生為至戚時在巴東書來允佐雕資故云

傳得江湖小集工瓣香早歲禮南豐翁大夫嘗學詩從

今梅市蘭亭路豈獨冰紈畫放翁

韜光竹筧烟中聽孤嶼梅林雪後看空翠無聲雲有影湖

山清氣得來難翁大人謂集中西湖

棲霞樹老紫峯春風雨彭城夢裏因知爾前身明處士六

朝山色六朝人先生嘗游棲霞賦詩是夕其弟葉山夢古

瘦不足比也

桃葉烟波聽玉簫青溪影事雨瀟瀟雙鬟去後旗亭冷殘

柳啼烏舊板橋此指集中金陵諸詩

鸞臺辛苦侍三年夜月迴廊藥鼎烟不使青衣賦中老高

風今代重斜川先生罷官歸貧甚卧疾三年而卒初命子民稟負米豫中惟一女奴名質簫者侍先

先生嘗游棲霞賦詩是夕其弟葉山夢古朝山色六朝人衣冠者語之日若兄詩後必傳世如寒島

生疾甚謹始終不懈民裹歸深德之有勤納之造室者孰不可日是代吾盡子職即吾妹也擇士族嫁之

小名箸錄最風華
斑管生香弔落花
芸葉飄零空蠹粉
殘

編也抵玉鈎斜先生嘗著名媛雜詠絕句三百首今板已散佚

孤孫葛帔悵何依
王謝空堂燕子飛
腸斷臥龍山下塚
棠

梨寒食泣斜暉

擊碎胡琴莫更彈
千秋絕調賞音難
閨中尚有桓譚在手

翦寒燈掩淚看

賦才東漢王文考謂井叔史學南齊蕭子雲謂子各有篋中

殘本在何年敬禮定遺文

題韓蘄王飛來峯建翠微亭拓本

其文曰紹興十二年清涼居士韓世忠因過靈隱

登覽形勝得舊基建新亭榜名翠微以爲游息之所待好事者三月五日男彥直書按紹興十一年冬岳鄂王遇害至是僅三月蘄王已解去兵柄憶岳有池州登翠微亭詩用以名亭蓋隱痛之也

清涼居士翠微亭靈鷲峯巔見勒銘空有中興名父子自甘半壁小朝廷軍髡酒盡苔生壘戰鼓聲銷月滿汀迴首棲霞悲少保南枝長傍墓門青

武林王貞女詩

明湖水碧淚痕深撒璫嬰兒有嗣音慈母竹寒憐苦節女郎花好抱冬心題詩貞燕三生石嘯樹孤鸞一曲琴家學謝元傅姊氏柏舟清操紀儒林

西湖看雪和 翁大人作

雪壓雙峯塔影微
敲冰漁艇棹烟歸
逋仙宅畔疎梅放
祇有衝寒一鶴飛

六橋殘月策吟筇
醉踏瓊瑤倚古松
何必吳姬吹鳳管
隔湖烟寺聽寒鐘

翁朝霞夫人以自寫白雲圖索題率賦二絕

綺閣才名翁少君

明女社翁桓字少君工詩

玉臺粉本百花薰

余曾題

花長卷年來愛滌冰
甌筆靜對青山寫白雲

澹遠嵐光見畫禪
松風庭院月娟娟
仙家祇在雲深處
我識真人謝自然

庚寅孟冬二十七日紀夢詩

蓮漏聲中記夢梁六銖雲帔見明粧才人簪筆黃崇嘏玉
女傳言郭密香翠節迎來花漠漠鸞輶歸去月蒼蒼依稀
五百年前事欲話因緣恐斷腸

用唐詩

廢宮烟樹尙堪尋帶劍當年隸羽林家難畢生哀李燮國
殤無地弔王琳修羅歷劫文人孽忉利昇天節士心目斷
秣陵江水碧可知精衛是冤禽

草堂人日舊詩名載酒元亨隔世情誰救絕絃嵇叔夜敢
忘藏壁趙臺卿郴江夢遠雲無際甫里春歸水又生太息
酬知祇文字選樓紅燭校深更

一唱荒雞夢易殘掃除塵累此心安久嘗桐樹孤生苦且
耐梅花徹骨寒寶月光輝通佛國金丹元妙叩仙壇茫茫

碧落黃泉恨謂小我欲投書問夜闌

卽事書澄懷堂集後

黃鶴樓頭月一輪鶴歸何處認前身
桂宮校錄冰銜舊玉局司書絳節新
魂夢有緣通骨肉文章無命悔風塵
愍孫愚弱君應佑鬢雪頻添感老親

讀翁大人雪夜聞雁有懷西事之作

帶甲征人卧隴沙遠鴻寒響入悲笳
書傳紫塞雲千里夢冷紅樓雪萬家
愁聽凍烏啼柏葉瘦憐飢鶴守梅花
杜陵老作憂時詠歲晚江湖感鬢華

冬夜感懷

靜聽風葉走虛廊病久流塵掩筆床
雲影水中原是幻花

枝劫後尙留香春深瑤草梯仙國月朗珠林選佛場兜率

海山俱縹緲髻絲青鏡漸成霜

時閱雲笈七籤及釋典諸書

立春前一日夜坐環花閣聽雪書寄閨友

梅萼霏香浸膽瓶新裁春勝貼前楹雪飄珠箔華燈影烟
暝紅闌玉笛聲圖裏消寒脂暈淺硯邊呵凍墨痕輕卻憐
蘿屋無衣者織素機中半未成

歲暮得曹墨琴夫人書賦答見寄之作

韋母傳經已白頭玉璫書札感頻修天孫織錦瑤篇寄美
女簪花翠墨留靈鳳吹簫雙影去謂哲嗣并叔及小琴夫人彩鸞寫韻
一生愁歲闌珍重加餐飯雪屋蘆簾早下鉤

詠史

上陽花落又春殘故劍恩多自昔難翠羽帳深雲夢斷黃
金屋鎖月華寒同心也合盟梔子國色曾傳畫牡丹三十
六宮秋似水銀河珠斗共闌干

誰拾披香小篆牌紅羅亭障縷金鞋玉龍閒弄唐宮笛白
燕驚飛漢苑釵荳蔻溫湯嬌鈿閣梧桐涼影澹瑤階班姬
聞道會辭輦女史書箴大可懷

感事

流水無聲怨隴頭雪深寒色上貂裘據鞍馬援心猶壯曳
石張元意未休吹角黑山歌出塞枕戈玉壁夢封侯晉公
何日平吳寇風捲雙旌入蔡州

題顧西梅丈追摹奚鐵生先生像

孤雲野鶴想風姿難得傳神顧凱之合伴咸平林處士一

杯湖淥薦春祠

竹房文塚閱烟霞鶴渚何人問舊家桂子椿兒零落盡可

憐憔悴女貞花

謂先生子婦汪貞女賦西冷閨詠

桂子椿兒唐張祐二子名

奉護圖爲金節母作

樹護長奉北堂歡會歷冰霜廿載寒玉砌春深花富貴畫
欄風靜竹平安門傳通德衣娛綵臺建懷清 詔錫丹好
繼壽人歌樂府新圖珍重詠咳蘭

題劍秋從叔除夕祭硯圖卽呈叔母陳心壺夫人

君苗焚硯文未工桑生鑄硯志太雄何如祭硯屬除夕鑪
明松火圍春風吾家大阮才磊落佳偶同心隱林壑雨中

生計耕石田月下書聲聞紙閣
滓如爲我終歲勞一杯酌
汝傾蒲桃拜石真同米顛癖
祭詩不讓長江豪香綻庭梅
雪封竹淺醉紅絲暈鸚鵡膽
瓶雙翦供幽蘭覲詩飲餘更
譜同聲曲叔母誦莫嗔如願婢
嬾作送窮文石交如爾最
耐久年年常祭端溪雲揮灑
龍賓裁素練新詩主客圖中
見玉堂起草俟他時豈羨前
人傳婚硯

夢中作

風定蛩吟涼葉底月明猿掛古藤梢
一聲清磬松間寺鶴帶雲歸認舊巢

讀雲間王綺思夫人挹翠軒詩賦寄

泖湖秋水碧泠泠九朵芙蓉黛色青
綺閣大家能續史絳

惟賢母解傳經洗來金粉衣無縫吟到烟霞筆有靈我亦

中年思學道玉鑪澗雪寫黃庭

夫人近
精元理

辛卯元旦試筆

爆竹喧聲聽萬家初陽流彩麗晴霞玉杯暖注宜春酒畫
燭明留隔歲花偎近鴨爐紅袖鞞圍來貂帕翠鬟斜水仙
香澹江梅瘦小試吟毫坐碧紗

書鸚鵡簾櫳詞稿後

一雙鸚鵡繡簾前脆拍紅牙字字圓衰草微雲秦學士曉
風殘月柳屯田花欹鏡檻分箋夜

謂秀卿
夫人

雪滿旗亭畫壁

天休譜玉笙銀燭底逍遙家世本詩仙

題吟釵圖後

并序

湯母楊湯荀業之室幼隨父宦游滇南父以玉釵

予之既歸湯南北轉徙且三十九年中間林爽文

亂荀業同父緯堂司馬殉節臺灣母盡歷艱苦焚

棄筆墨惟以釵自隨一夕忽折觸物感逝作詩悼

之有於今別有思親淚記與釵時新上頭句其子

貽汾得蔭奉母於嶺南官舍母卒以其斷釵詩二

首裝治成卷並繪圖徵題焉

斷釵吟淒往復奩鏡唬妝濺寒玉從茲釵斷不可續斷釵
吟傷人心滇雲閩海山深水深上頭時節誰所付白雲天
未親何處三十九年萬千路釵鈿飄零恨誰訴寒濤碧血
戰骨不還孤城月黑望夫有山半世長辭膏與沐愁譜離

鸞彈別鵠琉璃易脆往事非
釵頭玉燕飛不歸思親況更
淚滿衣夢痕泡影留春暉
春暉待補今已矣節母于今有
孝子不信但看圖畫裏
斷釵吟忍重讀夜雨疏簾冷
樺燭我亦人間失怙人
鬢絲久換華年綠

送春

五更風雨春歸去啼鳩聲聲感歲華
楊柳碧遮深院落櫻桃紅近小窗紗
玉鈎斜畔尋芳草金谷園中弔落花
綺語年來都懺盡半簾香篆誦楞伽

題畫

萬竹韜光冷翠分理安泉響月中聞
松花滿地攜筇去靜聽鐘聲扣白雲

吳門陳無逸女士自寫三松七子圖金碧樓臺綺羅

人物渲染極工圖中七人皆榕皋先生女弟子也

爰題二律

七寶樓頭七寶欄掃眉才子有詩壇影留金粟遲青鳥顧

芳韻寫瑤臺問彩鸞吳香王子時聞花外響陳靈蕭冰絃

宜就月中彈孟詠娑羅會記調鉛畫李慧最小嬋娟壓建

安無逸

三松垂老臥煙霞長慶詞人此大家問字鐵崖傳比玉談

經絳帳豔昭華海山夢醒秋歸鶴先生于己丑湖墅春殘

晚噪鴉珍重倚香楊妹子寫來湘管七枝花

輓采石夫人即題讀書圖後

曇影留香證畫禪叢殘縑素最悽然端容偕隱清風繼人夫

子婦范相磬巖子名家彩筆傳畫夫人自言受錦瑟絃悲花

似霧銀河天遠夜如年餐霞飲淥會親寫記取西湖翰墨

緣夫翁夫人西泠舊夢圖十二幅

題陸琇卿夫人梅花小影

飛來鳳子玉輪斜小影仙人萼綠華姑射山中留古雪羅

浮夢裏酌流霞和鳴有集工吟絮博議成篇記鬥茶恰稱

壽陽粧額艷百花頭上是君家琇卿為潘芝軒先生子婦

題明女士林天素山水小冊

茆亭疎樹俯江光小字珠圓墨暈香更寫叢蘆寒雁影月

明秋夢落瀟湘天素工寫蘆雁

草堂花竹帶春星畫院輝娟豔尹邢謂楊雲友白鷺衝烟窺點
筆美人湖上遠山青

仙霞歸去離筵餞淚灑琵琶一曲歌回首西冷芳草路楊

娃墳畔落花多

雲友卒葬智果寺天素歸闕

莫謾媚緣譜意中

李笠翁樂府以天素歸眉公非實錄也

眉公才調似坡公

祇應問字梅窗下對寫青山燭影紅

笠翁曲有對寫青山句

又題琇卿玉山紀遊圖

聽徹瓊簫碾畫輪玉山佳處六朝人紅酣霜樹秋開霽翠
撲煙巒雨洗塵五色雲箋三昧集萬花香國一家春苔枝
疎影俱清絕又見寒山彩筆新

琇卿以畫梅見貽

辛卯仲秋晤小米姪於吳門閱所梓列女傳集註玉

滴露調螺畫掩門畫禪奩豔細評論煙雲供養春無跡
素淒涼夢有痕翡翠裙邊魂魄在珍珠船裏姓名存
寒閨病趣余曾題德媛圖
病趣徵新詠倩影亭亭玉不濕
胥江秋露下蒹葭小阮相逢髻欲華
新夢湖山冷楓葉故居池館瘦梅花
余武林舊居與小米比屋有老梅一株
散風奩闕悲金盃伴月香銷澹碧紗
銀漢紅墻休感怨玉臺雙管盡名家

古意

太白長吟憶舊游玉驄拂柳度盧溝
燕臺俠客宋如意蜀國佳人趙解愁
花下按歌金線巷宋李師所居月中沽酒寶釵樓
神仙閣盡繁華境晚向西溪玩白鷗

題貝葉書五福德經後

貝多羅葉勝蠻箋白業參來大覺仙佛號大稱意花開眾

香國妙鬢雲擁四禪天長恩請神解護金壺墨靈照應依

寶座蓮經後有侍蓮飯佛願沐清涼功德水旃檀勤藝禮燈前

秋日寄呈翁大人漢皋

九日何心泛菊花白雲悵望渺天涯宵長稚子書勤課秋

老重親飯未加征騎嘶風霜滿塞聞西警哀鴻棲荻水為

家楚省被水歛民數萬俱瀟湘湖上頻迴首漢皋後湖一

愁絕吟懷對落霞

瓊笈丹房幾卷經新圖五嶽佩真形龍潛性海雲生鼎鶴

唳神霄月在瓶甲子老人懷絳縣庚申玉女守黃庭全家

許掾思皈道結屋松根鬪茯苓俱奉道甚篤端亦預聞微

論焉

盤溪秋泛

凝紫晚山遙拖藍秋水冷微風颺釣絲白蘋動魚影
霜色醉林樾斜陽遠塔紅瑤潭精舍近人語白雲中

己丑仲夏余敬繪宋潛溪高青邱兩先生像祔祀頤

道堂佛龕西室晨夕申辦香之敬三載於茲矣今

秋菊泉致奠侑之以詩

絲繡平原金鑄島龍門大筆鳳臺詩秋風鶴語埋文塚殘

月鵲啼墮淚碑佛梵青蓮開竺國宋公為豐干禪師後身

中神弦丹荔薦羅池世傳青柳白蘇李杜皆同調綠水橋

邊好建祠擬祀兩公於虎阜白公祠慕李軒懷杜閣仰蘇樓皆在是也

讀方正學遜志齋集題後

河嶽英靈正氣留神魚跋浪隼盤秋貞魂淮水花雙朶生

既殉難二女毅魄金陵碧一邱激切治安推賈傅精嚴壁

壘失條侯良弓高鳥元勳盡辛苦儒臣借箸籌洪武未既

功臣戮旅循致喪敗皆高帝貽謀不善也燕王抗

奎壁星垣久歛芒明初奎壁間有黑氣識者謂論成深慮

歎高皇先生深慮論紗籠命相無姚宋汪廣洋場憲胡惟

高帝遂不金匱儲書遜漢唐洪武正韻大誥等書俱出自

天界局開何迫促洪武二年詔諸儒臣修元史黨人碑勒

太淒涼文臣前後名儒殉主惟公在文苑千秋尙有

光

一代潛溪大雅存文麟獨角出龍門先生少受業宋文憲

贈麟詩有目一生全商皓悲元子謂懿文太子學邃周官殉聖

孫路遶越江遲奠雁妻公最器先生將以少女魂招蜀道

慘啼猿宋公謫以祭詞極哀惻南屏冷翠風敲竹猶記師

生雪夜樽宿先生嘗從宋公游西湖雪夜

學本關閩氣味醇不隨厲禁蕩煙塵松經雷雨空山劫梅

厯冰霜太古春人說程嬰保遺嗣世傳凍水魏澤匿天哀

袁淑是純臣劉宋文士袁淑一編芸閣應珍護忠義文章

信有神丁亥歲小雲於漢皋購得此集以香楠製匣貯之

余夢中聞有歎詫者曰正學文集乃輕襲作在在邪覺而檢

護持也

秋夜聽雨

墨暈離離映紙屏數枝殘菊最孤清
簾垂小閣疏燈影雨滴空階落葉聲
曉角淒涼霜堞感寒砧斷續玉關情
波沉菰米秋江冷辛苦哀鴻賦遠征

時吳中終淮楚流民

山陰陳蘭雲夫人義見訪碧城仙館元談永日披豁

塵表賦呈二詩

星辰綴帔鞞雲翹絳節何年下紫霄
仙子玉顏魚道遠曤

做女官翠篆戚逍遙東漢戚逍遙為須彌翠篆女官見神仙通鑑 瑤潭流水鸞

停馭夫人營瑤潭精舍於盤溪奉 凡境金蓋名山鶴駕

橋受寶籙於 髣髴華陽雙姊妹松風庭院妙香飄夫人女

亦志道精誠故以錢妙真姊妹擬之

翠水瓊樓我未登
愍孫癡弱病愁增
明來性月三關透
開到心華萬景澄
苦海波平仙渡筏
慧珠光吐佛傳燈
談元玉塵誰爲侶
神契吾家管道昇

謂靜初夫人

雨後

苔繡迴塘綠暈新
白攜古硯滌纖塵
紅蕉花落深秋瘦
蝶飛來弔美人

美人蕉一名紅蕉

聞鐘

雲外清鐘一杵圓
寒山古寺碧溪邊
霜鯨扣醒漁舟夢
楓葉啼烏月墮煙

花藥夫人小影無逸女士仿仇十洲本也

青城明月錦城花
花藥含芳暈臉霞
想見摩訶池上夜
雪

香揮扇鳳釵斜

涪水銀鈎出地遲
翔鸞畫閣寫烏絲
隔花玉輦春遊歇
留

得蛾眉百首詩
近年宮詞石刻殘字

紅淚深宮拜杜鵑
綠雲高髻縮朝天
寶兒玉貌能完節
劍

閣青山堊翠鈿
夫人侍兒袁茵蜀山不肯入宋投劍閣崖下死見薛香聞集

坐月圍香豔入神
杜陵內史筆花新
南唐亦有嬋娟子
金

縷提鞋更寫真

自然好學齋詩鈔卷八終

自然好學齋詩鈔卷九

錢塘汪端允莊著

如臯冒俊碧纒校棊

古今體詩

瑤潭精舍禮洪濟真人像詩

真人明長洲高青邱先生也先生品爲醇儒才爲名世幸全於偏霸之國而不免於維新之朝遭逢暴主過不在先生也後儒目論垂五百年端幼讀先生詩選明詩初二集以正諸家論詩之失竝以糾論古之謬旣繪像於涵真閣復祔祀於瑤潭之贊化宮造籙脩齋竝自誦大洞玉章經十萬八千卷感先生神降於壇始知真誠浩氣久歸天上掌

法南宮輔相北帝近進號為九天洪濟明德真圓
真人同時降於廣陵禳疫祈雨靈應如響至是而
先生之神明始大顯於世道書所言天上之神仙
即世間之忠臣孝子天上所謂忠孝論其心不論
其迹也忠臣孝子必世之端人正士先生之為端
人正士即先生之忠孝也成道又何疑焉 翁大
人既為祈祀記端更為此詩以發聳振聵竝識辨
香之敬焉

羽帔同舟謝自然

小雲族姑蘭雲夫人金蓋弟子也道行超卓端以師事之先生祈祀贊化宮夫

人之議也

是日

黃金鑄豫奉詩仙玉清內相飛鸞地

祖證

位玉清

紫府真人駕鶴年四壁烟霞多伴侶

堂範邱長春白紫清黃守

中沈太虛陳樵一龕香火有因緣先生像奉安閣左步虛詞是

昇天引最感名流薛紫賢謂洞雲高士

樓頭黃鶴江邊篴袖底青蛇月下歌文士可憐成道少神

仙畢竟愛才多金華鍊後傳真旨玉綫穿來上大羅祖有

金華宗旨又設玉綫箝籍以及引道德之士何一陽元君嘗顯化語宋仁宗云子以玉綫度入金鍼故傳至道見神仙

通干樹梅花萬么鳳雲巢西望隔烟蘿金蓋山在吳興

梅樹名梅花鳥嘗有么鳳飛集名桐鳳鳴亦名雲巢漢唐以來多仙靈真蹟閔小良先生修道於此蘭雲洞雲皆先

生弟子也翁大人常就先生問道

識比長沙學更醇可堪暴主忌才人琴彈東市嵇中散劍

解南岡郭景純二人跡示終而實仙碧落瓊碑書姓氏朱

陵火府鍊精神南宮亦名朱陵火府專主鍊度屬天教歷

盡文章劫浩氣由來自有真論本周文襄高太史文集序中語

北郭論詩舊典型南宮掌法集仙靈三千行滿歸金闕

天仙者必三千行滿八百功完不立功行而登真者古未有也十萬功深誦玉經誰信鞭

笞役龍虎真教號令到雷霆故居甫里烟波好尚憶遙山

一抹青先生仙後示詩有青青一抹水天涯句

銷除沴氣降甘霖萬戶江城待澤深霖篆書來三界靜

於邗上請雨示用洛書法並照大洞玉章經書符詳頤道堂文集雨工驅起四溟陰道家

溟神咒祈神霄劍佩金輿下星殿衣冠玉漏沈攝伏羣魔

成大道桂宮往事有同心文昌帝君於周初亦以大道經法籙驅魔救疫而成道見道

藏

烽火平江十月圍西園池館白鷗飛山林才俊存陰德草

昧英雄弭殺機

先生與張吳潘仲昭左丞交契甚深喪亂之際全活頗眾三四蓋實錄也集中有送

榮陽公行邊

碧海無心乘戰艦朱樓有淚葬宮衣

左丞勸

吳主航海事下句指七姬殉節事並見張吳紀事詩按張吳據姑蘇稱吳王在明祖據金陵稱吳王之前元授太

尉屢輸海運固元臣也元不以爲僞明焉得僞之稱僞吳者明人尊本朝且諱也易代之後自有定論俗儒以成敗

論人墨守舊說麗娃鄉近瑤潭水應熱心香禮翠微祠在故申其義於此

盤門麗娃鄉距贊化宮甚近

開國君王暮氣昏脩書天界幾人存南滇不返王褒骨西

蜀誰招宋玉魂

先生脩元史於天界寺總裁則宋景濂王子充兩公也王公奉使滇南評論元梁王

脅降不屈被害宋得歸葬宋公坐黨禍謫死同證佛仙雲於蜀與先生同一厄遇明祖真殘刻少思哉

駐跡

宋公爲豐干古佛再世王公亦證仙籍雲南有祠

盡忘恩怨夢銷痕

先生降示有人

我同歸公私

孝陵石馬埋秋草泡影興衰莫更論

何憊之語

雨拋金甲換羅裳記侍扶風絳帳旁

端前
世為吳人張某
元之故將先生弟子

神

詳見庚寅十月月記夢詩今先生此語詢不誣矣

大智光中星漠漠太虛

天上月蒼蒼

斗並閼沈太虛真人所著道書故云

填完文

字三生果話到滄桑兩鬢霜願掃瑤花執鸞尾蕊珠宮殿

禮虛皇

附青邱先生祀祀葆元堂禱

警化孚佑帝君呂祖疏

蓋聞山傳金馬王子淵遠道成真溪號蒼龍蔡少霞新

宮書篆蓋慧業文人昇天必易而仙宗寶籙度厄尤靈

茲緣前明先賢長洲高先生諱啟者才秀三吳名魁四

傑垂釣江村韜晦於霸君之國簪毫天界摧殘於英主

之朝大節無虧貞心可諒在昔對簿栢臺人憐蘇老投
書湘水世惜賈生而况冤著汗青血藏化碧玉碎鳳凰
之叫洲傷鸚鵡之埋并無張鎬憤誅首惡問邱詎有王
成義保遺孤李燮事白飛霜燕闕乏鸞書之恤琴亡寒
日吳山迷馬鬣之封此固有人心者所共悲也端菱菱
末學識昧前因碌碌浮生孽深現果早歲耽吟禮瓣香
於曾輩中年著錄續詩品於鍾嶸選樓風雨窮十二時
之功藝苑評量翻四百年之案闡幽糾謬竊謂於先生
頗著微勞焉然而冷月疏煙空唱鮑家詩句甘蕉丹荔
難尋柳子祠堂且聞屈正則潛靈汨水尙困仙才崔子
玉佐治泰山未離神趣敬惟

警化孚佑帝君廣大慈悲幽明普度而於古今文士尤
荷矜憐陳季卿竹葉乘舟盧萃之黃梁醒夢眞靈位業
仙籍昭彰端是以六齋發願九頓矢忱爲先生範像盤
溪瑤潭精舍並爲請洞元大黃寶籙一階俾皈依壇
下助列仙曹并虔持大洞玉章經十萬八千卷以資功
德藉一玉清神母之靈通嗣金闕選仙之宗派法駕引
中白雲留佇步虛聲裏黃鶴飛翔旃檀得聖火而彌馨
日月照幽光而愈皎披七籤之雲笈煉九轉之金丹庶
氣全眞一直超兜率天宮果證童初勝主遮須國土願
迴鴻造垂鑒蟻衷圓覺圓明誠感誠應謹疏

題金雲門女士畫梅女士王仲瞿先生繼室也

筆底殘香一樹梅不隨紅柏委寒苔記從花馬陸西過深

為湖山惜此才

女士居馬陸紅柏山莊

清絕天生筆一枝叢殘絹素贖烏絲烟霞萬古八千古惆

悵招魂鶴市詩

鶴市招魂詩仲瞿悼亡作也女士會居吳門故云烟霞萬古樓仲瞿詩文集名

舒雅蕭琛各自賢琅邪才筆更如仙建安七子圖還在人

散蘭臺已十年

仲瞿與翁大人及先夫子紀羣之交最為契合妻東蕭樊村先生館余家蘭臺聚

齊仲瞿與舒鐵雲先生恒相過從臨終以女士所畫建安七子圖贈先夫子今尚珍藏勿失也

玉臺斑管細鉤銀仿十三行寫洛神一樣簪花幾行字衛

夫人與管夫人

卷中顧腕芳陳靈簫兩女士皆有題詠兩人皆善書畫

久悟繁華等逝波年來學道補蹉跎分明一片天花影又

逐浮雲眼底過

余近年閉關學道久謝筆墨金石書畫等諸過眼烟雲矣

題又村姪新鐫元趙仲穆待制手書遺稿後

金臺春酒玉堂花公子吳興說舊家逸少郗璠書法妙魏

公仲子婦人暨可知大令擅才華

春雨南唐按玉笙渡江桃葉譜新聲燕姬三五嬌如月井

水家家唱柳卿集詞尤工

洛神一賦寫來工書寄南雲託晚鴻想見家山清夢遠鷗

波亭外水精宮仲穆詩我居水精宮遠遊來朔方

蒐羅名迹阿宜賢玉枕蘭亭紫石鐫翰墨和鳴清闕在吾

家亦有掌書仙翁大人嘗得子昂仲姬小像名翰墨和鳴圖以貽靜初夫人

題芝龕記樂府四首

國朝董恆巖所作以明忠州女將秦良玉道州女

將沈雲英爲主旁及諸竒女子凡六十折誌明末
至國初五十年之事表彰貞烈激揚忠孝院本
中第一書也

九蓮花證一龕芝清淺蓬萊想見之弄玉吹簫原再世雲

英擣藥況同時

以願玉爲弄玉後身

殘山賸水三生石

換羽移宮一局棋譙國威名傳錦繡抵他長慶集中詩

兩家娘子各成軍漆室憂深感故君忠孝神仙完舊劫滄
桑花月記遺聞黃陵廟遠浮湘水白帝城高見綵雲曾是
吾翁題壁處蠻姬解話石榴裙

越山如黛畫媼姪西接峨岷萬疊青曾見錦袍殘畫軸更
繡絳帳舊傳經龍門史筆留住傳虎觀才人勒舊銘明史

列總兵傳雲英葬龕誰譜前朝新樂府雙鬢風雪唱旗亭
山毛西河撰墓志

玉杯才筆譜鈞天往事流傳二百年朱鳥河山歌板外青

蛾涕淚酒尊前春紅已碎桃花扇秋碧誰貽燕子箋更續

曇陽徵信錄英雄兒女共昇仙劇中亦及曇陽
仙子說法事

書錢武肅王寶正四年磚搨本後

節度開門惠澤多古磚殘篆未消磨建元能繼唐天祐也

抵彎弓射汴河武肅初用唐正朔天祐三年唐亡始自建
元天寶後雖稱藩中國復有寶正二

號至文穆以下四王則
無改元事矣見西湖志

石刻排衙弔故宮鳳凰山上排衙石封山有制紀年同錢
有武肅詩刻殘字

封落星石為寶石山制黃妃塢上苔磚影留得湖天夕照
書稱寶正六年辛卯

紅雷峰塔吳越國妃黃
氏建一名黃妃塔

衣錦樟亭憶霸才春風陌上又花開詩禪珍重寒山石絕
勝磨磚作鏡來

玉局豐碑墨蹟香傳家鐵券閱興亡陀羅花雨經幢古誰

問延陵十五娘

容齋隨筆明慶寺有白傘蓋陀羅尼幢吳越天寶五年吳氏十五娘建

題小海大令孤山雪霽圖

暫辭故國峨眉雪探徧西冷萬樹梅孤鶴衝煙空翠靜亂
雅啼曉凍雲開小紅擲簫玲瓏韻太白揮毫曠逸才馬後
桃花春色好天山草檄記歸來

題五湖漁舍圖

五湖烟水闊烟外白鷗飛是處堪漁隱誰家好釣磯蘋香
浮畫檻花影壓柴扉一卷松陵集長吟攬翠微

清湘樓詩弔衡陽凌烈婦

婦名帙女小字興鳳衡陽鄉民凌名山女幼從祖
懷芳讀書年十九適農家子譚積林家貧甚母家
親族釀八千金佃田二石從夫往力耕以自給會
疫起翁及夫兄弟三人皆卒求立嗣不得矢志奉
佛姑惑族人言逼令改適不從訟之官並爲蜚語
污之案三年不解乃吞胡粉死死之日得遺稿獄
中皆單鳥寡鵠之音並有自序語極悽惻決以必
死有云但留清白於人世終當含笑於九原邑人
哀之爲梓以行如桃片濺餘千點血柳絲牽斷九
迴腸露下橫塘風色冷燈昏小院漏聲沈蕉葉有

聲來暮雨桃花無數下
清湘居然作家若此心自
問如秋水徹底澄清不染塵
卻向素娥頻借問清
光曾否墜沉寃心如朗月懸霄漢一任浮雲過太
虛則又冰魂玉魄矣余謂女才如此適農家子已
可悲中道分離益以族難姑惡不得其死視西青
散記所載雙卿事可悲尤甚因此作詩以弔之

清湘流水清於玉夾岸湘娥古斑竹冷月夜照清湘樓烈
女貞魂夜深哭烈女幼小生儒家讀詩解得詩無邪儒家
女作農佃婦夫耕婦饁勤桑麻東飛伯勞西飛燕疫鬼窺
門人不見鳩媒啼後姑惡啼一紙官書下鄉縣事姑母不
可依母姑不容案懸三載終不解黃鵠悲嘯生天風青蠅

白璧心悲憤割髮未已還吞粉甘將一死表貞心梅花零
落梨花隕不賦楊舟舟賦栢舟湘波終古繞高樓採桑籬角
牽蘿屋中有懷清第一流湘草湘花總瀟灑湘水無波寒
不瀉遺詩一卷續離騷誰是清湘采風者

翁大人以文休承所繪老子出函谷關圖供奉瑤潭

精舍命題

當年紫氣無人識老子西行定浩然化被流沙終證佛路
迷滄海枉求仙著書所喜逢關尹遺教長留識道緣營得
瑤潭清淨地瓣香珍重畫圖傳

仙人塘在盤門外是漢蔡經故里塘水味極清冽居
民取以釀酒云麻姑丹砂水也

仙人去後丹砂在留得塘前水一涯釀出醞醞香馥郁酌
來沆瀣味清華不須句句曲求千粒何必餘杭貫百花他日
全家同許掾開尊閒與話烟霞

高湘筠夫人以陳葆文女士自書十二闌干詩遺墨

索題率成三絕卽柬湘筠

十二闌干十二樓彩雲影散海山秋數行玉版珍遺蹟黃

鵠歌中一種愁葆文早年失偶以憂卒

開謝優曇總夙因零膏冷翠未成塵春山埋玉淒殘月更

憶簪花閣上人册爲王皖蘭夫人所藏李晨蘭生香館詞中多寄贈皖蘭之作簪花閣帖亦晨蘭所

集

墨池脩竹雪初晴湘筠居墨池園粉絮清吟羨謝庭我已年來刪

結習玉梅花下誦金經

題又村姪所藏河東君粧鏡

誰鑄盤龍鏡
靡無小字留
鬢花紅豆子
眉翠絳雲樓
金粉痕難泯
滄桑影易愁
男衰應亦好
烏帽寫風流

涵真閣對雪效三體詩

雷部云司雨月宮乃司雪百二十嫦娥嬋娟總高潔

天符夜召滕六仙
畫曉尋葛三輪與玉塵
百斛有人橘裏

清談

玉梅花底卧青鸞
掃罷瑤壇翠袖單
雲海沉沉天欲晚
洞門深鎖不知寒

讀文中子

一代文中子斯文日在中道原三代上書與六經同家世
儒風舊門牆相業隆如何少佳傳高蹈等冥鴻

擬古何須罪惟看論若何所期與禮樂苦未息干戈莘野
勞弓幣龜山感斧柯分明卜子夏設教在西河

濂洛承洙泗淵源賴此人四科期孟配八代媿韓醇中論
思王佐元經繼素臣河汾壇席在誰與更傳薪

太平十二策金鑑問誰傳大約陳封建兼之論井田天人
廣川學憂患賈生年何代無經濟遺書賴後賢

題盛子昭山居圖

人生只有山居好幾人能向山中老愛入名山願屢違太
息有山居不早山中有村亦有田山中有林亦有泉山如

太古日小年山居自古多神仙名山何處堪卜居吾翁屢
過匡君廬遠公說法起蓮社淵明止酒停籃輿天台四萬
八千丈亦似廬山氣清曠瀑布飛流下九天石梁同在青
天上騰空仙子青山阿被織袿兮帶女蘿玉咽紅頰揚脩
蛾天漿手酌金叵羅我掩寒閨夢秋碧欲往從之不可得
湖上青山處處佳不如歸隱清涼國葛嶺西頭翠淥園青
山當戶水當門西溪更有漁莊在柳暗花明又一村

黃素黃庭經相傳扶桑大帝君命暘谷神仙王傳南
嶽魏夫人夫人人口授楊羲所書者平遠山房石刻
中有此本偶臨一過賦此

辰樓墨會降南真靈筆流傳妙入神瘞鶴有銘仙系遠隲

仙系魏爲第一世場第
二世陶貞白第九世
換鷺無價藝林珍隱書鄭重留香

母丹訣精微話鬱嬪我亦寫經兼學道舊家太息許黃民

題王惕雲女史畫竹女史未婚守志虔奉道法蘭雲

夫人弟子也

亦是鷗波體清湘照影寒節如仙骨瘦葉似羽衣單楚楚
凌黃鵠亭亭下碧鸞香壇屏六曲爲我寫平安

入如曹比玉仙似婉凌華閨苑繡新錄琅邪識舊家瑤臺
凝曉露丈室散天花更憶黃耕畹耕畹亦善畫竹拳蘿補碧紗

題松壺子龍門茶屋圖

龍門茶屋誰所爲松壺乘興一寫之翠巖千尺下春瀑間
以雲氣松參差松下有溪復有屋屋裏煎茶茶正熟鬢絲

禪榻悄無言坐對澗泉瑤草綠老鶴啄蘚空廊腰避烟飛
上青松梢松梢影動鶴翎舉滿地松花落如雨

寒花呈靜初夫人

綺石黃鸞手自栽幽芳素影互徘徊誰攜紅袖談禪去
新換黃紵入道來蠟梅天竺國遙尋薺葡子天竺水仙詞近話

蓬萊

水仙花

冬花應比春花好各抱寒香帶雪開

陸宣公墓栢重青繪圖徵詠事閱七十年矣姨甥淵
如茂才宣公三十五世孫也以其叔祖瑤圃重得

圖卷乞詩因題一律

陸公墓相何年種枯幹回春映遠嵐一代孤根能特立千
秋元氣與深含重扶日月虬枝古再拂烟霄黛色參

聖代尊賢崇廡祀祠官防護重江南近奉特旨崇祀重青之瑞當祀在

此於

答問道者

三教本同源此語良非誤誤者由後人水火分門戶老子過函關著書始言道惟道亦強名無欲觀其妙實則性命耳二者須兼脩道家重言命著書可汗牛豈知性尤重本末宜兼及性無命不行命無性不立中庸言慎獨大學言誠意孔氏言毋我孟子言養氣此皆儒家言主靜乃一貫其要在止念能使眾緣斷世儒未知此聞道輒相謗意在爭儒名實乃墮儒障大道無偏頗兼賅天地人大藥無渣滓調和精氣神先天與後天分以智與識後天返先天乃

合道與德天地開闢後父母未生前脩性卽脩命性全命
卽全放之彌六合斂之藏於密此理卽聖賢亦卽仙與佛
諸君不見信請讀四子書不知仙佛者恐亦未知儒

妙香天室偕心貞心恆禮懺心貞卽靜初夫
心恆卽若仙

碧霞冠帔紫鸞釵瓔珞香龕禮玉階新受虛皇三洞錄同
持竺二國八關齋海潮宣梵禪天近星斗朝眞禹步偕省識
太和元氣好心田齊長道根芽

讀閔小良先生所著書

元亭人說子雲居疏瀹靈源欲問渠竒字定能箋碧落高
文應不羨黃初廣成子後無丹訣太極圖中有道書埽盡
浮雲消盡翳一簾松月夜窗虛

題薛洞雲處士瑤潭讀易圖

易理精微久失傳後天誰解返先天須知太極根無極都
在羲皇一畫前

羲皇一畫洩苞符一畫中間理萬殊上古天人原合一試
看龍馬負河圖

消息盈虛次第生天心此際最分明文王方位周公象更
有宣尼十翼精

易理分明澈古今儒家平易道家深宋儒都自濂溪出好
向希夷石室尋

乾坤原是易之門始復相尋互作根讀易須從無易處靜
虛兩字是真言

林香山翠隱茆菴彷彿三尼對面譚讀到夜窗松影上天
心一月印瑤潭

題蘭雲師道裝小像

師受籙為靈開
宮掌法女官

西池妙果白環樹南海慈雲紫竹林萬種慧光圓月相一
聲清梵大雷音淵源金蓋心燈叩位業靈開寶籙尋我識
先生直面目湛然常寂是天心

金蓋心燈小艮先生所
者師嘗受道法於先生

題爽卿夫人采芝圖夫人蘭雲師女弟也

鶴壇法籙龍門派性水光凝月映空女弟嬋娟錢妙意妙
妙意同學道於陶飛仙縹緲薛元同嬉仙味萬重松樹瑤潭
祖貞白故以相况

外一路梅花翠岫中采罷紫芝成大藥相期共證易遷宮
吳江凌母素脩淨業常語家人云荷花開謝菊花黃

吾當歸去果於九月而沒乎葦裳繪圖乞詩

逗出靈光卽性光三秋明月九秋霜壽萱慈竹尋常語身
是黃花晚節香

題許雲林表妹湖月沁琴圖

湖雲縹緲湖風輕湖波澹白湖天青銀河耿耿明珠星此
時月在空中行三潭之水波盈盈對面卽是湖心亭綠樹
隱約紅闌橫樓臺曠遠如蓬瀛中有一人字雲林前身廣
寒之飛瓊七條絃上秋風生枯桐三尺橫瑤琴池蓮風雜
幽蘭馨叢叢碧草露始零平沙落雁飛秋聲四山悄然如
畫屏圖中之人何媯姪與君中表深蘭盟我所思兮在西
泠十年舊夢停雲停懷仙之閣招仙靈魏壇夜誦黃庭經

蘇燒何日重揚舲琴聲更約嫦娥聽

題曇影夢痕圖為孫氏表甥女靜蘭作

楚生姨母外孫女雲林表妹次女也幼明慧為外

大母珍愛年十二殤爰繪是圖徧徵題咏

珠沈碧海難擎掌玉痊春山易化烟記得花朝是生日斷

腸風雨落花天

尙憶娟娟出拜時題名九畹比芳姿曲池魚戲紅闌影雙

髻簪花理釣絲庚寅仲春余返武林雲林表妹命甥女出拜余贈以名字以畹春嘗偕詣鑑止水齋

游釣甚樂

曾下温家玉鏡臺瓊媛門第總仙才瑤天笙鶴寒簧去月

冷疏香閣外梅甥女許字仲綸表妹長君阮雲臺師相孫也明葉小鸞亦未嫁而卒故云

外家生小鎮相依弄墨裁牋伴絳幃優鉢仍歸眾香國白
頭老淚漫頻揮

萬樹桃花入夢來碧山古洞畫圖開易遷宮裏司金籙身
是華陽趙素臺

紫姑蓮屐製纖纖共帙殘香閱玉奩放下花枝歸解脫好
將妙諦悟華嚴

姪婿王少輔綜其母程太夫人淑行乞 家翁作傳

並乞爲詩

琅邪有賢母華望重吾鄉擇婦芳型遠貽孫儉德長粉盤
餘菝字紗幔散芸香玉樹庭階並徽音嗣敬姜

乙未元夕桃源貞妙元君飛祖媿誕辰有降乩懷

月樓二詩云洞門有字署丹霞此是西池玉女家
祇爲參禪春鬪笋還因調水午前煎茶當筵影亂闌
邊鶴滿袖香勻鬢上花誰道桃源人寂寂羽觴交
錯亦繁華青山重疊古揚州又上城西共月樓雲
暗幾疑三島近春來不作五湖遊花如解語頻含
笑鳥亦依人學轉喉今夕正宜豪酒興未知月果
掛簾鉤語意清華真仙家高詠也 家翁歸自邗
上錄以見示敬和二章以當迎神之樂

碧城明月赤城霞何處桃源問舊家大海醜醜勞進酒九
霄沆漭與煎茶青娥捧劍雙丸雪玉女行香兩袖花翠鳳
斑麟同駐輦瑤池小妹是雲華

伊昔繁華說此州闌干何處十三樓有人南海驂鸞去謂

碧岑夫人昨夜西湖跨鶴遊花影臨池嬌舞態烏聲隔院嘯歌

喉蓬萊清淺尋常事不向隋宮弔玉鈎

玉女窗卽事

蕊珮仙人萼綠華小庭香澹碧窗紗露涼如雨天如水開
徧階前白鶴花

題河東君月隄烟柳畫卷

畫裏紅闌翠袖憑百年零落舊丹青分明花月滄桑錄柳

宿光中賸一星花皆明滄桑錄家翁所輯閨人物遺事

小青樓閣入斜曛雙玉祠堂罨暮雲一角春山半湖水琴

河還有柳孃墳家翁脩勝王紫玉墓於虎邱脩菊香小青楊雲友墓於西湖河東君墓亦罕常熟

訪得
重脩

邱祖長春應元太祖之名遠涉西域往返三載其門人李志常錄其山川道里之險易水土風氣之差殊爲西遊記二卷載在道藏錢竹汀宮詹錄以付梓意以明世傳元奘取經之作非邱祖書也按元奘取經之書本邱祖弟子尹真人之徒所爲或卽清和大師尹志平其書與性命圭旨相類性命圭旨爲尹真人所作尹真人或卽志平也此書不載傳道之語邱祖另有本傳所載與元太祖論道亦止止殺節慾二事則就世法論道本無多語耳甲午仲秋家翁於海上得此書歸以相授余皈依

龍門爲邱祖第十三代弟子名來涵獲此敬觀歡
喜無量思合本傳重爲付梓並誌顛末

此遊彷彿泛靈槎涉歷山川閱歲華何似達摩來震旦亦

如老子入流沙導行屢見寥天鶴師所至恆有羣鶴翔舞紀序頻看

異地花更有新詩志風俗卷中語語是丹砂

吉思皇帝詔頻宣頗似初開混沌年自以微名號山野頻

聞天語喚神仙師自稱山野元祖稱爲神仙養身卽是長生藥元祖問

師言祇有衛生之藥濟世無非大願船鄭重幾番斯問道國

書記載至今傳元祖問師論道救左右錄之

銷兵便滿三千行教孝都完八百功語元祖云國俗多不

戒其並世七真仙派遠本師五代帝封崇邱劉譚馬郝王

祖皆崇帝號號道通天地虛無外思入陰陽化育中我是龍
墟元代事

門新弟子思將合傳付雕蟲

原旨真詮另有書其中法象即河圖乾坤自運量天尺鳥

兔頻烹偃月爐好向丹田留黍米祇須赤水覓元珠道言

畢竟淵源在休說真經一字無

完顏暉太夫人輓詩名珠字星聯一字珍浦蘭陵人善書畫通三教之旨南河總督

麟公慶之母也

毓秀蘭陵有盛名芙蓉湖水碧冷冷珠光夢裏明如月女

宿中間第幾星誕生之夕祖母唐氏夢神授大珠遂以命名

畫禪詩律重瓊瑤彷彿卿雲麗絳霄三絕才名盡家學烏

衣門第冠南朝詩學得之外家畫法授之宗老族姑冰尤相契重六法神似南田其族祖也

妙蓮大士淨如蓮侍者因緣總若仙留得三生明月在紅

香島上護書年早年夢前生為紅香島妙蓮大士侍者掌

合稱人間一品衣錦鷄詩句有仙機金閨佳話紅閨羨好

向朝陽學鳳飛尊甫與完顏公同官直省幼承王姑命賦

鳳飛句後乃定
婚遂成詩讖

神祠佛寺駐旌旂隨宦香車記舊遊西望瑤池降王母池

邊盤道幾人脩從宦泰安脩泰山王母池盤道所
至平治道塗脩葺祠宇不可勝計

不須鴛譜度金鍼脩到仙心卽佛心親與心經繡盤帨王

姑心蹟本觀音工緝繡嘗為王
姑繡心經於帨

一代斑曹此大儒宣文壇席接蘇湖夏峯二曲遺書在紗

幔傳經近世無嘗舉係夏峯先生言以訓諸子並刊李
二曲先生集兩先生國朝大儒也

應知侍膳笑舒眉金帖青錢絕妙詞夜月紫薇圖便面長

留佳話鳳凰池長公成進士官中祕自繪紫薇

親將寶錄集蘭閨扶植網常重副筭一序元言賅至道乾

坤消息悟端倪仿列女傳博采史志纂蘭閨寶錄六卷以

附焉於教化人心深有裨益自製序文闡坤顯

擷芳一集擅飛鴻閨閣詩多選未工千七百篇蒐採徧獨

將正始表林風選閨閣詩千七百餘首為正始集體

法苑珠林有別裁杪樞花樹幾番開一編重刻楞伽記夙

世知從佛地來嘗助刻法苑珠林又刊

挽回疾苦祝平安一縷慈雲蔭魏壇鶴背青囊勤濟世蒼

生多少活金丹嘗虔製丸散濟人無算又輯

鍾郝應知禮法兼幾人嗜好合酸醎品題曾憶紅蘭女玉

暎清心最不凡紅蘭主人女縣君戚黨尊行也與太夫人最相契嘗語人云完顏氏婦清心王暎真

非凡品

海內爭推母範尊百年世德重清門金張華望崔盧族家

學應傳十女孫太夫人女孫十人所刊名書皆所分校

瑤天鶴馭更鸞驂嵩少三花月滿潭可惜陔蘭難遂願不

教醇化被江南太夫人於中州藩署仙遊長公子方官湖北巡撫權江南河督聞太夫人病乞省視

特旨慰諭云不幸不能遂汝之願即來京成服百日後請安面見可謂禮備哀榮矣

東望雲關未有涯河流直到五條沙金丹九字安瀾訣香

火還應耐碧霞長公子官東河日太夫人以巡歷勤賞罰公儲峙廣三語相訓今擢南河總督家

翁謂此九字實治河真言加以權衡時地可冀永保安瀾太夫人宜耐祀碧霞元君祠也元君即天后

張令嫺夫人月勝秋齋圖

弄罷瑤笙月正圓

余曾題夫人玉梅花氣澹春烟東坡佳

偶參詩境北苑名家證畫禪照近雲鬟香細細倚來翠袖

影娟娟聽松便是三層閣偕隱何須二頃田

王仲淑女士春墅餽耕圖

春郊垂柳綠初勻布穀聲中午餽頻最好青山耦耕地柴
桑處士翟夫人

湖烟漠漠鷺雙飛餉罷東菑更上機月渡溪橋花影轉柴
門應望荷鋤歸

蕊珠花藏聽蘭雲師並爽卿夫人彈琴

天風環珮聽雙聲湘雨湘雲觸指生古調由來神肅穆人

心如世和平閒中渺渺懷山水靜裏悒悒理性情彈到
梅花第三弄瑤潭鶴舞月華明

碧城仙館聽香輪姊說劍

寒星斂彩白虹收百鍊真成繞指柔剛斷之才原有用生
平於世恰無仇烟波江上辭漁父風雪關山感故侯侶松
從軍西域擒渠掃穴身行間以功擢糧脂令未抵任沒於西安故云寄語五陵年少客不
勞錦帶佩吳鉤

讀關尹子

當年關尹子慕道契冥冥能識盈虛理曾傳道德經微言
參紫谷妙蘊證黃庭我識金華旨回光法最靈陰華宗旨

註二字即關尹子也

讀魏伯陽參同契

參透羲皇易先天契後天陰陽推理蘊性命得真詮爐火名誰假閨丹誤孰傳此中深妙諦言道不言仙

讀譚紫霄化書

造物非終造精微在此書無情證楓麥有覺驗龜魚釋理參平等元言入太虛因形方見道大化悟乘除

讀陳虛白規中指南

吾宗虛白子道蘊證胎仙妙契規中理因將大藥傳一根立元牝兩液判周天好自求真息丹經次第詮

讀瑩蟾子書前密意

畫前原有易此意問誰知悟得先天理方爲大道師微言

闡康節太極證希夷密到無言處中宵夢伏羲

讀張紫陽青華祕文青華者太乙也所言與唱道真

三言相合

青華傳祕訣論道得其真交併身心意調和精氣神乾藏

卽坤顯陰盡自陽純更有金華旨能回萬古春

金華宗旨呂祖書也

論主同光同光三言命學而得真諦與唱道真三言專言性學者互相發明古今道要兩書盡之

題練川話舊圖

花裏柴門倒玉瓶樹陰濃壓短垣青幾行高士籠鵝帖一

卷仙人相鶴經烟水舊盟懷隱逸江湖殘夢感飄零子柔

才筆松圓畫練浦前賢有典型

題黃鶴山樵畫溪閣閉棋圖

溪上松陰松外閣松上白雲松下鶴閣中玉貌兩仙人一局閒棋子聲落棋子落處聲丁丁捲簾風過松花輕西冷正憶懷仙閣湖水湖烟忘世情

邯鄲才人嫁爲廝養卒婦聞家翁言揚州近事有

感而作

廣陵多才人容顏如邯鄲嬌姿艷春華逸氣凌秋蘭雅步出中閨佩玉鳴珊珊何以耀我首寶釵垂琅玕何以飾我軀繡旒陳羅紈金杯勸我飲玉盤供我餐問君何能爾根窩有硃單一引金一鎰百引珠一簞千引與萬引歛數不可殫淮南鹽價高大編停江千口岸回課來寶氣盈門闕豈知一朝異地平生波瀾巍巍長官來治以惠文冠樹本

孰先撥水源，倏已乾三旬。不九食此事，良獨難死者。轉溝壑，生者羅飢寒。骨肉不相顧，臨風摧心肝。嗟嗟爾才人，容華耀朝日。昔者見日出，今茲見日沒。嗟嗟爾才人，素心託明月。昔者見月圓，今茲見月缺。鸞鳳自有羣，鴛鴦亦有匹。嗟嗟爾才人，乃嫁厮養卒。

得小米姪書知浚湖之役同人議於阮公墩建樓營榭喜西泠增一名勝也作詩記之

阮公墩是謝公墩，卅載人情戀舊恩。新起層樓對屏障，別營曲榭置琴尊。四圍碧水都臨檻，三面青山恰到門。比似湖心亭子好，夜潭明月共黃昏。

吳郡韓君菊坪工繪事性好善以放生爲事秋日坐

水濱遇獲蟹者輒買而置諸深潭一日得白色者
瑩澈如玉視常蟹倍巨置諸瑤潭繪圖乞詠

雙螯八跪都如玉知爾潛淵幾百年魚服儻隨龍變化蜃
珠同映水澄鮮綠蒲影動空灘雨紅蓼花扶瘦斷烟好向
瑤潭聽經去莫貪香稻入中田

蕊珠華藏聽蘭雪師譚道貽華陽蔡玉生女士觀成

烟霞標格龐靈照冰雪肌膚謝自然筆底萬花圖綽約工

寫卷中百玉寫嬋娟著有百玉吟珠江秋雨傳經夕侍尊人香

海春寒問道年我亦曇陽新弟子輸君大孝易成仙

蕊珠華藏四禪天八百功完道行堅須信石中藏美玉好
從火裏種金蓮心田雲淨珠纔吐性海波平月自圓翠壁

匡廬曾結屋尋真家世本神仙

蔡尋真
唐女仙

題春明本事詩後

舊事春明拂紙題衣香人影夢湖西崑崙頂上三珠樹未
許青鸞比翼棲

碧闌十二隔銀河桂殿何如屋補蘿富貴由來花上露笑
他藕孔住脩羅

雙燕呢喃說趙家鬱金堂卽玉鉤斜月華曾入高陽邸一
曲笙篴弔落花

吉孝女詩

名午葵長白吉明府女才行卓越奉親不嫁年二
十九歲卒玉生慕其人爲寫秋葵小影乞題

佇苦停辛阿母知也同漆室感園葵鼓殘清瑟離鸞引織
盡寒機寡女絲翠水登眞嗟太早紅閨識面悵偏遲生綃
留得秋花影想見黃紵入道時遺命以道服殮

憫桃詩

不見花開露井新烟柯斬伐伴勞薪元都觀裏春成夢度
索山頭雨洗塵鋤到芳蘭原有數宥來老楮更無因今年
雙燕歸梁晚滿地蒼苔泣美人東坡有宥老楮詩

呈繡山舅氏

憔悴慈姑鬢雪催相逢骨肉喜銜杯六朝山色迎人笑三
峽濤聲放棹回公自蜀歸近客金陵小徑新橙霜後摘疏籬晚菊月
中開棲霞松石應同壽公今秋六荆楚仙人信異才

自然好學齋詩鈔卷九終
鬢雲近梳聲圓丹存北斗惟傳火道在南宮莫怨天玉女

散花看六出賦花玉女司雪二農春麥喜盈田

自然好學齋詩鈔卷九終

